

湘
真
閣
稿

湘真閣稿卷之三

華亭陳子龍懋中著

七言古詩

秋月篇

明月起天闕。輕雲飛漢水。初映朱門十二樓。俄
通紫塞三千里。海上瓊蟾浴已過。天邊玉蓂葉
還多瑟瑟清風吹。桂艤沉沉碧落委金波。金波
桂魄知何處。蘭蓀遙房滿香靄。鳥鶯橋成濕不
飛。鴛鴦瓦凍光難度。綺閣纓分半榻輝玉塔。漸

吐中庭樹此日長安重狹斜青絲聯騎晚相誇
置酒先過魏其宅徵歌還到富平家第宅連雲
藏宿燕樓臺如鏡起驚鴉公子爭騎五花馬美
人偏坐六萌車只有班姬經歲別九秋紈扇西
風發長信楷前黃葉翻層城宮裏玄蟬歇屈戌
霜濃門半開轆轤水冷聲頻咽漫下晶簾薄似
雲愁懸夜螢光如月城南少婦垂爲床可憐夫
婿在遼陽黃龍暮色沙無數白鴈秋來字幾行
將軍昨夜聳平虜都尉今朝又護羌玄菟城邊

方入夢。臘脂山下更迴腸。願學浮雲生羽翼。願逐流星走南北。吹笳萬里盡邊聲。搗素三年迷雪色。織成文錦思縱橫。裁得流黃淚沾臆。燈前香爐玉爐寒。窓外烏啼金剪濕。玉爐金剪夜漫漫。白草黃榆接漢關。紅顏朔氣經時落。青塚雲竟不還。算築妻清秋愈繁。琵琶哀怨夜雙彈。獨憶漢宮人寂寞。那堪胡地斗闌干。與君心期展懽燕。朝朝暮暮常相見。定遠弓。攀太白。高盧家鏡破纖阿。轉空熨衣香。白玉堂。空填寶飾黃。

金鉏纖手愁翻銀甲長。青蛾歛坐冰綃卷。銀甲

冰綃枕簟愁低昂。織女漢西流。天上風光終不

夜。人間離別憤。經秋虛傳震藥藥。長生術。不見澄

輝。每夕留只有今宵滿。三五清光應是共。涼州

長相思

美人昔在春風前。嬌花欲語含輕烟。歡倚細腰
軟繡枕。愁憑素手送哀絃。美人今在秋風裏。碧
雲迢迢隔江水。寫盡紅霞不肯傳。紫鱗亦如蟬
娟子勸君莫向夢中行。海天崎嶇最不平。縱使

乘風到玉京。瓊樓群仙○詣輕別時。餘香在君袖。香若有情尚依舊。但令君心識故人。綺窓何必常相守。

當壚曲

迢迢芳草長安路。千里飛花繞春樹。紫駒爍電追東風。却望朱樓騎。一顧胡姬綺繡鳳凰紋酒濃如霧。人如雲。玉鞭隔座爲君取。金盃銀餅手內分白日。艸鹵向何處。紅羅香滿不須去。春宵苦短君莫愁。此樹烏啼天未曙。

烏夜啼

邊城蚤閉鳥欲棲。朔風吹角行人迷。此時無燈掩羅幔。珊瑚釣落敲銀蒜。子夜月明莫更啼。夢到金微路。將半。

上巳行

春堤十里曉雲生。春江一曲暮潮平。紅蘭綠芷遙相對。油璧青聽次第行。洛水橋邊閉春殿。碧山翠靄廻芳甸。陌上綺羅人若雲。城隅桃李花如霰。少年躍馬珊瑚鞭。道逢落花驕不前。已教

步障圍烟霧。更取東風送管絃。垂柳無人臨古渡。娟娟獨立寒塘路。公子空貽芳藥花。佳人自愛櫻桃樹。又有青樓大道傍。樓中紅粉不成粧。萬里黃龍誰出戍。三年紫燕獨歸梁。晚下珠簾垂玉筯。盡日凝眸芳草處。無限雕鞍逐艷陽。誰識郎從此中去。

8 悲濟南

北風蕭蕭歷下城。千樓萬雉何崢嶸。城頭老兵獨擊柝。宮中美人雙彈箏。吹角鳴笳來大野。橐

驕喂食宮門下珠簾玉檻芙蓉池雜沓黃昏飲
胡馬朱邸諸王宮錦袍玉顏隆準填蓬蒿血汙
清泉流不得白鳥暮噪蒼狐喧紅粉青蛾今在
否黃塵晝暗穿廬高琵琶一聲漢家曲梁父不
見心徒勞春來東望長太息更聳此語淚沾臆
旗仗旌旄何處尋滿城風雨生荆棘天子方
隆魯衛恩諸姬豈盡藩維職海岱愁雲黯淡間
應使皇情更淒惻

梧州樂

檀州使宅夜開宴。伎樂紛紜。擬天饌。簾舌紅錦
附瓔瑜。蠟和沉香。焚甲煎猩唇。熊白不知名。碧
玉黃金滿深院。誰其坐者中貴人。盤龍織綺穩
稱身。賜炙傳呼動千騎。上壽逡巡來九賓。漁陽
老將耶。鄆兒競前呢。呢誰最親。皆言禁中出。頗
牧指揮萬里無烟塵。山頭嵯峨烽火絕。此時胡
雞窺漢月。明駝快馬凌風雪。帳前健兒沙中血。
廻首華堂燈未滅。

東臯草堂歌

東臯草堂者給諫瞿稼軒先生別墅也丙子冬奸民奉權貴意訐錢少宗伯及先生下獄賴上明聖越數月而事得大白我友吳駿公太史作東臯草堂歌以記之時予方廬居駿公以前歌見寄因爲屬和辭雖不工而悲喜之情均矣虞山巖水飛不息虞山先生高卧日黃門從此亦拂衣東臯平田二頃微翳然林木草堂靜卽永自帽娛金徽高談王霸神清竦江風猿狖黃

雲動當時有口每借人公業傾家非自奉應是
清流同調多豈關失職交相重江湖何與中書
堂當門厭爾多芬芳田盼久欲更延辯朱金居
然來上章十年放逐念京雖可憐入國雙銀鑄
豈惟松桂無顏色長安城中煙霧塞金吾吏向
閣門歸告審人從丞相揖但令深文一獄成何
難鈞黨千家及君王神聖揮太阿此曹深計
空蹉跎左掖門邊十步地那知一往如流波舊
疾雖痊留不得七月秋風下潞河道旁小兒擊

手罵掩耳莫聽吳人歌。大街陳屍誰氏子。相公
殺汝可奈何。嗚呼男兒全身良不易。自稱騎虎
終難事。可惜數載黃扉人未識。千秋青史字何
如。草堂突兀山之陽。七檜偃蹇雲蒼茫。飛觴樂
聖凌滄浪。吾聳楹車開一匡胥靡霖雨興。殷商
生平報國殊未央。草堂何得常徜徉。

萬卷樓歌爲王子彥賦

王郎淵雅靜者流。百城高擁何所求。坐中半傾
名下士。携我獨登萬卷樓。武庫森然見經史。劉

家七略安足北過江文獻在那邊。豈獨簪纓長淮水文苑相傳盛。肅皇術祖尚書與奉常東吳二美氣無敵。中原鞭弭先翹翔。當年此樓人倜儻矯首千秋共欣賞。論文欲抗兩京間。把酒時呼五湖長。五十年來事已非。文藻風流尚堪想。我爲王郎傾百杯。鳳雛驥子皆奇才。邗溝芙蓉旣寂寞。濟南白雪成蒿萊。驚君才致多英特。滿堂賓客皆顏色。代興寥寥知者誰。俯仰此樓

三嘆息

卷之三

春日行遊城南作

東風搖蕩吹紅櫻樓上人遊南陌頭雲暖烟輕
春脉脉極浦心傷芳草碧小徑桃花閒夜闌欲
捲朝霞炤行客荒園畫閣鶯自歌飛花滿林人
奈何一生常爲艷陽苦幾夜能留明月多此時
玉窓掩烟霧躑躅三回楊柳路何處愁心堪贈
人盡日焚香待春暮

二月十五夜

輕舟綠浦揚春衣晚來風急北牀飛小輪欲上

烟霏霏。高樓遙望明燈微。小巷長楊弄淨暉。橫
波清淺人夜歸。美人無語垂羅帷。欲眠不眠撫

金徽。撫金徽。情何已。象床繡被紅若雲。六尺銀

屏。漏沉水春夢驚回。風雨多攬衣。起坐玉窓裏。

東郊卽事同謝褪玄宋轍文

春風未踏東郊道。纔到東郊見花好。布席偏當
桃李蹊。莫放落花沾細草。與君薄暮登高臺。平
川千里春雲開。朱樓倒影蕩落日。黃鸝紫燕光

徘徊

蜀山行

君不見蜀山嶽辭侵青天懸崖棧閣相綿連猿
鳥欲度心茫然下有江水山沒鳴潺湲陽平將
吏皆晏眠烟塵慘澹通秦川褒斜驛谷如風旋
此等豈有五丁力攀林越澗無中堅但傳長吏
棄印綬更脊大將亾旗旛西南誰人司鑽鑰坐
擁雄兵守劍閣賊師已渡枕席上翻遣材官救
城郭嗚呼益州本沃野中有錦官城樓臺十萬
春鳴箏美人濯錦江水明三月三日渠口平舟

里枕稻萬寶成卽今岷峨氣蕭索豺狼塞路無
人耕瞿塘東閬山北其中富貴華陽國前有子
陽後李特可憐此輩皆庸奴誰人爲抽金僕姑
掃清井絡民賜租勒銘絕巘消雄圖

送楊伯祥還豫章

閭門雪花飛十月津頭樹折江波立美人扁舟
玉袖寒飲我百杯壯顏色自言清時方罷官西
去翻然拂釣竿香鱸春陰松檜薄潯陽月黑蛟
龍蟠雷雨冥冥來芻窪蕙綢羅帶山之端憶昔

胡兒滿畿甸。燕山吹沙暗河縣。君也發儻上封
事。夜半宣呼紫宸殿。匹馬自逐漁陽兒。晨馳趙

壁。如飛電。邯鄲城南畫草檄。滹沱河旁夜傳箭。

王師二月盡驅胡。三十六軍隨羽扇。吁嗟我謀

適。不用坐使胡兵穿塞便。男兒不願生卦候。但

願當世無百憂。眼中不見讒諂士。杖藜飽飯何

所求。西望空濛數千里。北流浩浩章江水。君歸

讀書雲壑裏。托迹何須混鹿豕。逃名未免公輔

望。端居尚負蒼生耻。異汨徵書下。傳巖應有主。

篇獻天子

題楊龍友倣襄陽雲山卷歌

巨靈驅却鄉中山移將烟霧留人寰滿堂雲氣動虛壁流湍隱見聲潺湲昨夜有人山中還拂筇便欲相追攀但見千山萬山濕不盡杳冥迷離白日間龍眠山人腕欲脫襄陽漫士天機活神姿出塵自蕭灑筆底空蒙見雄闊自稱氣韻跨千古俗格詎使荆關奪泗水沈淪五百秋雲山滿眼無人收楊郎盤礴神遠游欹袖揮灑天

爲愁森然欲呼鬼神出玄猿青兕中淹留米家
橫掛殊矜惜新展吳綾百餘尺

米畫不過三尺今作長圖

陰洞虛無松檜長深巖窈窕龍蛇坼茅屋高寒少

行迹出門浩浩雲濤積中有入兮歌白石此處

雲林安哉哉年年絹素生蒼苔天姥峰頭丹欲

就若耶溪邊花正開珊瑚爲杖玉爲屐攜手與

君歸去來

平原有懷顏魯公

漁陽突騎從東來河朔百城皆盡開平原孤壘

獨嶽立逆徒爲之父徘徊清河少年亦奇士義
聲一日徧九垓嗚呼此地胡塵飛不息高牙大
纛無顏色君不見顏家太守未知名開元天子
不相識

寄客雲趙匡谷中丞

潮河川南塵漠漠牆子嶺頭夜吹角檀州健兒
逞一戰殺氣昏騰滿幽朔趙公司馬尚書郎叱
鬚猿臂氣莫當爾時主儿臨明光召來諭事聲
激昂颺然一騎遍三協歸來未卸鐵柅襍至尊

色喜催賞賜鴉翎寶鈔內錦裝高牙大纛盧龍
幕悉護諸軍九關鑰平原公子本雄豪金城老
將多方略倚劍長看古北雲移兵欲斷黃崖壑
佽飛自日捉生歸小隊黃昏射鵠約秦家築塞
古應稀漢室和親事已非昔日長纓懷壯志此
時白羽公當揮春風運轉亾胡月馬毛如蝟膠
弦折黃金羅綺百索馳回首紅妝盡嗚咽可教
萬騎輕兵掣骨都當戶翻然滅男兒封侯豈奇
絕當使風烟靖遼碣憶昔射策遊

皇都周旋

豫章諸大夫坐中袁侯

袁憲副
臨侯也

與楊子

楊太史
伯祥也

其公轟飲常歡呼袁侯方平漢南賊楊子獨身
取單于況有開府佩虎符社稷頗賴群公扶伊
予躊躇愁江湖何時麟閣分畫圖

贈孫碩膚職方

昔日武皇八駿雲飛揚吳楚逆氣纏豫章孫許
之節爭三光姚江流慶獨綿邈四世七葉何輝
煌前有平革後袁楊孫郎天爵廟廊器神姿豁
達驚人意曩時偕我游金門慷慨激昂嘗論事

崇文街上月中行 靜業寺前花下醉水曹自弄
秣陵雲緘書幾度 加餐字漁陽 九月風蕭條 胡
塵晝暗桑乾 橋畫沙借箸 古來少長鎗大箭 徒
逍遙據鞍飛檄問九塞 擄燈草奏通雲霄 可憐
萬馬長城窟銳頭奚奴射漢月 太行綿綿野火
青黃河萍萍春草沒 天子宵衣念胡羯秘計
深謀向誰發 子房帷幄不專將 博陽幕邊能倉
卒知君春殿曉鳴珂 談笑風烟淨 九河我歌江
漢繼周雅 汝稱召祖銘 瑞戈

秋雨過真娘墓

閨閣城西風雨秋。真娘墓前松栢愁。
滿川烟草陰蟲路。古岸楓林丹鳥度。
昔時羅綺嬌春風。橫塘十里桃花紅。
美人自比越溪女。上客曾賦吳王宮。
玉顏銷落霜華早。荒原常對胥臺草。
千年有客私自憐。暮雨冥冥舟不前。

湘真閣稿卷之四

華亭陳子龍懋中著

五言律詩

立春前一日雪中集龍潭舟次

樓船投極浦大野舞廻風獨樹虛無裏長河黯
澹中迎春金縷重緩夜玉杯空共惜華年去更
闌燭影紅

戊寅元日

平明開淑景雲物媚新年曉日朱霞外春風碧

樹前雄心銷齒馬捷足敢憐蛇莫厭鶯花事寥

寥守太玄

其二

自覺滄江穩猶思上苑春重輪符帝子

今春

皇太子出閣五色盡賢人豺虎無寧歲鸞鶯莫

愛身昇平應不遠垂拱理三辰

蚤春遊婁東王璽卿東園

別墅東郊道春暉起薄陰曲樊微徑出亂木小
闌深竹勢廻岡接花源隔水尋便生濠濮想疎

館獨鳴琴

其二

拂拭朱門貴。幽然物外情。
碧雲搖暗雨。紅藥媚餘晴。
平野華堂迥。寒花絕澗明。
最憐無粉澤。一往見澄泓。

戊寅七夕病中

又向佳期臥。金風動素波。
碧雲凝月落。雕鵠犯星過。
巧笑明樓迥。幽暉清簟多。
不堪同病夜。苦憶共秋河。

夜泊鹿城

孤舟投冥色倚檻薄寒生古木昏雲氣微杳入暮情繁星搖極浦斜漢轉嚴城縱飲不能寐秋風北雁聲

8 同舒章晚泊黃浦

南浦微風動茫然扈壘秋寒潮天際出落日海西流草樹津雲合人煙朔吹收可憐舟楫夜咫尺近滄洲

石齋先生菜講壇於大滌山卽玄蓋洞天

也予從先生留連累日

明湖連暮靄積翠萬重山九折泉聲亂千峰雲
氣閒尋真窮石室卜築掩松關尚有蒼生慮高
談夜未還

其二

夫子辭金馬君恩萬里遊講壇依日月福地少
春秋窮窪巖花落空濛玉乳流此中堪大隱何
計訪披裘

其三

傳聳玄蓋洞遠接具區流尚與人間近疑從天外遊王芝丹龜夜石鼓碧雲秋不見群真會相攜到十洲

其四

龍卧非閒日鴻飛亦有年蓋棕臨碧澗種藥引紅泉緩虎窓前度星辰谷口懸翻愁山鬼意寂寞對嬪娟

其五

三山迷漢使更起白雲壇環佩天風蒲旌旗海

日殘草侵群帝靜月度九霄寒惆悵乘鸞女焚

香獨夜闌

其六

或默還無意賞心空自知鹿腳培草遍龍起嶺
雲遲金石歌商頌蘭蓀寫楚辭美人烟樹外愁
絕鶯佳期

其七

本是行吟侶翛然意不群簾垂天柱雨樓斷海
門雲匪兕存吾道披鱗樂聖君明時多夢卜

蚤晚欲相聳

其八

小雅原無怒高真尚有情仙人星作佩弟子玉爲洛山遠禽聲斷冬晴木葉輕風塵天地外俯仰已心驚

輓侯文中

之子華宗彥清標得令名琳琅真獨立羅綺不勝情淳行諸儒重玄言舉座傾春風搖落後彷彿念生平

其二

南國多英俊如君雅度希風規何太整名教樂
相依玉樹悲黃土金庭問紫衣更增山簡慟翻
覺達人非文中爲予友雍瞻子風儀整秀規簡貞令

浦口觀潮

北風吹廟口斷岸落蒹葭海氣兼秋盛江雲來
日斜檣帆迎疊浪鳬雁沒圓沙掛席舉衡杜乘
流晚到家

8 舟發金陵宿儀真

芳草斷中流連峰出潤州潮迎雙槳慢日照片帆收入維慚初服橫江數壯遊可憐回首地痛飲石城樓

8 其二

三月風濤暮滄江萬里情浮雲生采石春色斷蕪城淮甸開王服吳關鎖舊京鳥啼今夜月分明得故園明

河上逢李暎碧給諫謫還

莽莽平原盡荒落日過飢風吹白麥崩岸走

黃河憑軾投瑤草班荆動玉珂一聳京雒語倍使客愁多

桃源夜遇鄭超宗落第還維揚

相逢班馬鳴三月出王京秉燭黃河岸悲歌下
相城風雲雙闕暗花柳半江明突兀金臺上知
君最不平

宿遷

寂寞鍾吾國荆榛項籍臺霸圖三楚盡王氣九
天開坼地黃河出經漕白羽催朝宗今不改空

憶濟川才

途中

不識宦情薄驅車今若何兌徐荒草濶淮泗大
風多擊枿空村卧子茅廢井過遙思故園在明
月滿藤蘿

淮北憶家

微祿我寧羨辭親入帝鄉不知行旅地何處倚
間望夢度淮雲小心隨越鳥長萋萋芳草路無
地不迴腸

其二

失策在天涯驚心感物華江天多宿雨魯國但
飛沙梅子黃銀熟桐陰碧玉斜夜闌長不寐何
計夢還家

其三

我家谷水上暮色碧雲端朋好長攜手高談指
歲寒離群時態異旅食衆人看此日一尊酒誰
憐行路難

雨後發下邳

雨過下邳城林端霽色平
嶧陽含宿霧泗水動
微明征馬浮雲氣離人芳草生橋邊有黃石惆
悵不勝情

將至嶧縣

明發望仙臺青峰斷復迴一川烟草潤于磧石
林開堠吏聞雞度山農抱犢來紅顏不可見倚
柱至今哀卽魯濬室地

嶧縣

四嶺起層陰孤城接茂林鶲巢春樹迥馬度夕

陽深絕坂野花落平橋亂水侵防胡猶此地危

堞動邊心見城上守具尚存

兗州

東藩冠帶國魯郡舊名城雷雨秦碑暗星辰孔
壁明危旌荒草動畫角海雲生落日關門閉翩
翩雙燕輕

汝上

海岱色蒼然風迴萬木連雲深鉅野澤雨隔汎
陽田歸燕愁兵氣勞人惜壯年何來遊俠子羨

爾玉爲鞭

東平

陵谷何紓曲平盧雄鎮開暮雲橫戍嶂春色斷
烽臺省翥驚胡騎蒼蒿薦客盃樂郊還可賦誰
繼阮生才

過東阿懷曹子建

文苑風流散賢王池館空應劉存古誼吳蜀耻
奇功嶽樹春雲外漳河暮雨中最憐不得意勝
盼維城東

過莊平有懷馬周

賓王慷慨士落魄向長安不作將軍客誰邀天子看棄繡函谷易買駿華陽難此日方開館何年更築壇

首蓿

荒雲連苜蓿已傍戰場開不向宛城閑偏宜漢苑栽邊愁生馬邑春色斷龍堆何日嫖姚將親

驅汗血來

經高唐傷早

胡塵吹不息旱魃爾何威四月無春草千村唯
落暉孤祥祠已廢狼跋野應稀

北人以狼多爲年豐薄伐

誰能誅昭回帝自祈

德州

景德原通北衡漳流自西子帆津樹合萬非曠
烟迷蔓草燐能照空林燕不棲周餘無野哭聖
世有雲霓

交河

鳥啼征馬動晴色散滹沱濶氣通三島天風靜

九河沙平邊草斷日淡塞雲多百里無烟火空
都客自過

蘆溝新城

赤縣山河壯青郊版築新旌竿千嶂逼鼙鼓萬
人屯雉堞開天市虹橋出漢津應知非設險翼
衛軫王氏

渡馬頰

長薄緣修城中流馬頰河平沙喧佇立野艇漫
經過高樹涼颸蚤陰嚴返照多吾纓聊可濯日

側倚青蘿

濟上立秋

濟西驚一葉涼雨滿東州在渚蒹葭落荒林鶴
鳴愁風雲生大澤笳吹發中流蕙草空相憶誰
憐白露秋

其二

春辭蘭渚○紅藥繫青驄○別久成荒草○歸期逐
塞鴻○輕雷殷鉅野急雨過○龜蒙況值相思夜○秋
風萬里同

秋歸涉黃河

秋水下龍門，黃河九曲渾。西來浮日月，南徙割乾坤。
群燕盤渦掠，千帆折溜奔。茫然思禹迹，何處是崑崙。

其二

揚舲濁浪起，掛席晚風多。氣壓清淮水，沙橫澆海波。
秋陰沈大野，落日蕩長河。繁吹生遙夜，中流發櫂歌。

其三

銀漢掛邊城。黃河入塞行。南溟愁吐納。西極想澄清。黃河源本清，合他流始濁。佛鬱魚龍氣。飄零鳥鵠情。秋來破浪意翻爲。望鄉生

五言排律

傷春

河北烽烟地。江南花柳春。經年愁戰馬。百騎少行人。謀國無楨榦。憂時獨隱渝。蕭條搖自草。熠燿滿青鱗。海岱風雲變。幽燕壁壘新。長安消息斷。中夜望鈎陳。

其二

畿輔瘡痍遍關河 慘澹中狐狸啼落日 荆棘長
春風星隕牙旗動 沙飛營幕空 詔書頻指授
使者日倥偬偃息疑諸老憂勤憶 聖躬何時
求猛士倚劒海雲東

其三

東秦稱勝地歷下本名都不用 飛書入相將捲
甲趨碧泉休虜馬紫殿飲羣胡 郡主填甃井王
孫泣路隅衣冠齊魯盡籜翰畢毛孤繞郭無人

見蒼茫城上鳥

其四

閩外嘗推轂元臣自請纓何煩中使節悉護九
邊兵春暝龍蛇闖風霾海嶽領始知甲金貴漸
覺簡編輕撻伐眞無計征輸亦有名安危憑將
相踵勉効昇平

其五

漢塞依重險胡兵去不難黃金東海盡紅粉北
庭寒誤國辭膏斧安邊更築壇百城新鬼大三

月野花殘祖逖思橫楫遙萌憶掛冠從來籌出
處莫作冥鴻看

贈吳駿公太史充東宮講官

蒼鄉開震域青殿接文昌霞氣騫玄圃瓊條拂
畫堂選端周典禮拜傳漢元良史職移仙省官
寮總帝鄉金貞儲后重玉立侍臣莊羽籥傳
秋實詩書出尚方夏侯經術茂皇甫素懷芳鸕
戟青槐蔭龍泉碧藻香珠蓮參晚讌璧月照春
坊卞賦情文稱王箴忠愛長一時推碩德萬國

仰重光愧我羊裘側思君象輶旁臨風疏館靜
遙夕可相望

遊雲棲寺

昔賢開寶地佇錫此何年獨剪鼴鼯境還依薜
荔天晒經丹樹杪杵米白雲邊制虎移新穴驅
神鑿舊泉吳山襟壯氣越國面晴川花艷殊方
貢珠幢上苑傳鹿仙參玉座龍女墮金鉏超乘
人皆學焚修可自堅西歸無了義東度卽因緣
化城空三界門徒落四禪青菰成宿飽翠竹冷

餘眠更禮支公塔鐘聲起暮烟

靈濟宮

向欲和獻吉詩而未成也讀舒章作遂
追賦之

絳樹蓬萊近紅牆銀漢中南臺分御氣西內接
仙官族自昇州大靈因閩海功識符移法像授
藥感 皇躬奉一新祠貴神君議禮崇冕旒雙
輦月旗仗滿庭風碧瓦寒金狹朱闌落彩虹銀
錙搖鐵鳳鉛粉剝華蟲鶴下星壇白龍垂內錦

紅元妃張翟羽侍女靜雕襲汗漫逢天使虛無

問鉅公琅書原其秘丹鼎幾時空宗伯明禋正

倪文毅公曾論罷其祀

今皇聖德隆陳倉迷寶蹟竢氏

失神工祀典修辭異朝儀引奏同

近以朝天宮災習儀於此

升聞端拱足無事訪崆峒

上董邃初少宰

統均崇上佐會府聚名賢執法星移近

董以副院轉

文昌地自偏春陰縣小苑秋月朗經天盧毓論

才正山濤得士全九流歸藻鏡八綱助薰絃卿

宰爲龍日君主買駿年風雲應鼓蕩人物頗弘
甄綠野冥鴻盡高崗鳴鳳旋計功觀式序咫尺
秦階前

贈錢牧齋少宗伯

漢苑文章首先朝侍從賓三君同海嶽一老是
星辰作直稱遺古推賢更得隣當時客漸進文
舉氣無倫陳寶園中土蕭劉澤畔人蟪蛄喧日
夜蘭桂歷冬春舊學商王重清流漢史均范宣
誰讓晉衛鞅欲專秦獨指孫弘被仍汚庾亮塵

十年耕釣樂七略較籌新當戶無芳草洪流逸

巨鱗睡毗流訛訛釣黨極申申告密牢修急經

營偉節神霜華飛暑月劍氣徹秋旻明主終收

璧宵人失要津南冠榮袞繡北郭偃松筠艱險

思良佐胥靡得大臣東山雲壑裏朝晚下蒲輪

寄吏垣張給諫訟叟

給諫以兵事疏薦于有知凡之感

漢苑金波靜燕闌玉樹連近承門下省獨對仗

中天青瑣通機禁黃封拆御筵龍顏頻顧眄豹

尾日周旋諷議推平子圖書識茂先六蘢秋明

動于雉晚烽傳騎士皆乘障良家悉備邊兩宮
監衛尉八較托中權頗有揚于戮應知御穀賢
使川靡獨濟管庫豈能捐魏倩撦奇日韓增得
士年有臺求驥襄飾畫問蟬娟落拓慚封牒迂
疎誤簡編可憐細草嘆無益大風篇日月多高
議江湖惜晏眠尋仙歌白石射虎憶藍田州郡
誰嫌屈君親各自然寂寥楊子宅慘淡祖生鞭
遇主方加膝酬恩望仔肩安危任公等發晚靖

胡燭

湘真閣稿卷之五

華亭陳子龍憇中著

七言律詩

古意

蠟燭邊頭霜葉飛○鳳凰樓上憶征衣○不知戰馬○
○經年別○但見孤鴻○每夜歸○鏡裏秋風吹○玉筋夢○
回○明月墜○金微莫愁○今歲無消息○脊道龍城已○

解題

其二

熙妾新居紅粉樓○狂夫偏逐馳軍儀○三春無艸黃河曲○六月飛霜青塚頭○秦地烟花連夜發○邊庭音信隔○年收縱然奪得燕支塞○十五容顏○不可留○

8 其三

初脊遺卒戍漁陽○又報徵兵赴朔方○邊柝亂傳千里○月苑砧重拂○九秋霜帛書○望斷黃榆塞○錦字空裁自玉堂○不見誰家麟閣上○年年遼海失鴛鴦○

遼事雜詩

昔年游俠滿遼陽，吹角鳴鞭七寶裝。
帳下紫貂多上客，樓前白馬度。^{*}名倡椎牛屬國開，新市射虎將軍獵大荒。
李氏家聲猶帶礪，斷垣落日海雲黃。

其二

三韓內屬本神州，女直歸巢萬馬秋。
玄菟烽烟迷月色，黃龍鼓角起邊愁。
閼氏去後東胡盡，趙信封來南幕收。
自此乾坤多戰鬪，遼何處問

金甌

其三

二月遼陽大出師
無邊雲鳥盡東馳
烏鵲暗集三軍幕
風雨驚傳兩將旗
長白峰高塵漠漠
渾河水落草離離
國殤毅魄今何在
十載招魂竟不知

其四

遼東左臂拱神京
遼水中分守將兵
乘障虛傳光祿塞
和戎未保受降城
幹羅白骨愁胡騎
木

葉黃雲捲漢旌經撫可憐皆失策更煩浮議滿

承明

其五

榆關咫尺望胡天屯築遼西更幾年滄海北連
秦障塞營州東斷禹山川黃金輦下征輸盡紅
袖軍中歌舞偏投筆競誇邊將貴莫令堠火近

封泉

其六

蓬萊閣外海風秋別將樓船自壯游萬里龍鼴

通碣石千帆烏雀轉滄洲牙兵擁立頻相驅屬國供輸困未收今日東方聲問斷盈盈極目使人愁

其七

盧龍雄塞倚天開十載三逢胡騎來磧裏角聲搖日月回中烽色動樓臺陵園白露年年滿城郭青燐夜夜哀共道安危任樽俎卽今誰是出群才

其八

鄴下東秦蒼莽愁胡塵
南犯幾時收誰移青海
千群馬直飲黃河萬里流
星動上台臨虎帳劍隨中使出龍樓
好憑羽扇驅虜虜飛騎先寬聖主憂

人日寄贈楊機部夫史充 東宮講官

玉樹朝暉接畫輜橫經青禁日臨軒鳳條已見
棲荀遂龍翰還應讓邴原機部以講席讓子座師黃石齋先生綵
勝競傳春綺麗御香分賜夜清溫知君罷講西
池上可憶垂綸傍海門

送吳來之大行還 朝使晉歸也

雲沙春色夜鴻飛使者輶軒入 帝畿江上錦
帆天際出河梁碧樹雨中微風陳晉乘干戈盛
賦就吳都杼軸稀應有李恂圖盡滿 君王此
日政宵衣

歸德侯朝宗書來盛稱我土人士之美兼
慨世事詩以酬之

春風宛轉下平臺有客橫江尺素來雪苑舊推
司馬賦雲間今愧士龍才東州評鷗鄉并重中

士愁驚鼓角哀歷難公卿年少事漢家宣室爲君開

丁丑除夜時予方廬居

暮紀冰紋動碧池柳條梅萼盡參差風流漸覺傷心老豪頓應憐折節時故國已添新涕淚中原不改舊旌旗莫愁回首春光近永夜嚴城玉漏遲

其二

去年此日渡祊河歷歷千山歸夢過一自淹留

丹闕久遂令遺恨白雲多寒梅北客誰堪寄春

草南陔欲廢歌京洛故人能最爾可知愁嬾易

蹉跎

是日得彦升書相勉甚切

寄仁和令吳坦公吳約予春明遊湖上也

坐擁青山一俊人板輿飛蓋曉湖濱常嚴劍佩○
迎朝貴更勑厨傳給隱渝湖上海門丹嶂夜雨○
來天目碧城春倦遊司馬新添病美爾明粧好○

問津

立春

蘭臯草色展新晴無限條風紫陌情永夜金塘
流不極今朝玉樹染還輕雲衢日麗烟花動霞

席聲迴簾管平應有宜春宮裏綵一枝先得萬

年名

立春在誕前二日聖

重遊弇園

放艇春寒島嶼深弇山花木政蕭森左徒舊宅
猶蘭圃中散荒園尚竹林十二敦槃誰狎主三
千賓客半知音風流搖落無人繼獨立蒼茫異
代心

花朝戲作晚唐體

昨夜東風倚玉簫夢回無計又花朝綠屏曉色
人初醒紅影輕寒粉暗消小語麝蘭吹閣道斷
魂楊柳隔溪橋年年獨作傷心客不散春愁與
翠翹

春汎震澤

碧草連天極望遙平湖漠漠進輕橈雲開群鳥
浮春樹地鑿三江接夜潮風雨金支龍女過旌
旗玉笈鬼神朝霸才寂寞鴟夷去滿眼烟波不

可招

辱李司馬萍槎先生贈詩勉以世事兼許
文筆忽忽奉酬聊存知已之感

久瞻樞府重明光投我連城雲錦章傷亂已脊
劉太尉賞音深愧蔡中郎九龍移帳春無草萬
馬窺邊夜有霜蛩晚滄江驚驛使詔書先問右

賢王

于忠肅祠

紫蓋烽烟竟不旋手持大計靖胡天北門虎卧

迴鑿日南內龍飛賜劍年山外怒濤歸碧海塚
邊荒草像祈連上皇猶想風雲際曹石功名
倍黯然

錢塘東望有感

清溪東下大江迴立馬層崖極望哀曉日四明
霞氣重春潮三浙浪雲開禹陵風雨思王會越
國山川出霸才依舊謝公携伎處紅泉碧樹待
人來

寄夏長樂彞仲

使君出宰下長安
閩海南移地勢寬
百粵山川屏土見九夷
城堞鏡中看
諸公久已期鳴鳳
大邑還應化舞鸞
知爾彈琴春色滿
董峰千樹杏花寒

寄李惠安茲軒

鳴皋酌醴訟庭幽
閩嶠重瞻識李侯
美女峰迷千嶂曉
錦田山熟萬家秋
珊瑚沉綠常無網
荔子輕紅獨上樓
莫問御屏題姓氏
海天東望是瀛洲

送張訥叟給諫還朝

錦衣持節過江鄉，四壯旋歌入未央。
暮雨九河青草色，曉雲雙闕碧梧香。
勾吳飛輓頻年急，畫省封章此日長。
張以胥餉之江南知有午朝當獨對，
可能無劍問安昌。

送方爾止還金陵將歸皖桐

舊京天闕倚雲看，送客秋河振羽翰。
玉樹風殘三閣暮，石城潮上九江寒。
管寧避地非無策，王粲從軍強自寬。
寄語皖桐新幕府，好收奇計勸

登壇

寄答密之於金陵

昨夜雲中錦字開月明應在鳳凰臺論文河朔無真氣久客江東見異才

密之謬稱子京師舊作萬里風

烟愁我老九秋颶魅傍人來何時携琴思公子

芳採芙蓉薄暮迴

密之書來甚愁奄人餘氣故有第六句

寄屠幼繩太史屠喜談兵以大行改館職

異數也

池上芳風蕩直廬平明視草待金輿赤帷嘗奉

甘泉使青簡新修東觀書薦士雲中誰第一勒
銘狼望意何如應憐携手論兵侶秋雨蓬蒿賦
子虛

寄懷唐吳江瞿瞿

西川才子過揚雄案牘紛紜賦轉工橋直垂虹
多夜月城連震澤起秋風吏稀白版擾鋤外坐
撫朱絃騷雅中欲問故人良會少采尊應到五
湖東

送勤卣游睢陽

鼓角連天露氣寒短衣躍馬渡江干迎人北雁
秋風動廻首南雲夕照殘睢水亂流梁苑落黃
河繁繞宋城看知君壯思生杯酒愁絕中原攬
轡難

其二

孝王池館水潺湲萬里飛鴻下滻門昔日旌旗
同漢殿至今賓客想梁園抽毫雪夜清樽滿故
騎秋天荒草繁幾度平臺能悵望憐子偃蹇卧

江村

八月宿山中荒園

松風一路引經過
滿院黃昏舊綺羅
露冷小山香氣重
月明荒榭夢愁多
輝輝人照蟹皆去
肅肅鳥啼夜若何
獨坐玉窓頻悵望
珠簾不卷爲秋河

寄義興夏給諫

梧披清陰碧幾重
燕山遙對五芙蓉
黃封夜靜端門月
青環秋高張樂鐘
雙引侍班多貴近
獨思補袞倍從容
馬曹舊有籌邊策
爲論呼韓未

偃烽

夏無武部改諱官時有欵虜之議

吳淞江口眺望

吳淞江上盡平疇蘆荻紛紛古岸頭祠廟衣冠
荒白日川原雲物變清秋霜前落木當風急天
際孤帆入暮愁湖海蕭條生浩歎十年戎馬隔

中州

戊寅九日同閻公舒章諸子登高之酌

平原連騎好經過極目亭皋倚放歌對酒獨憐
新歲月登高無限舊山河城邊落日黃花暮靄

首秋雲白雁多醉裏雄談星劍動龍荒消息近
如何

其二

龍山戲馬自奇才

舒章每慕此事姑酌東籬酒滿杯禾

黍斜陽三徑斷風烟向晚百川開歸鴻落葉無

時盡野女寒花相對哀獨憶美人秋水上白雲

一片隔荒臺

時招偉南以私忌不至

寄喬聖任侍御時按浙中

越王宮對海門開驄馬遙從北極來簪筆秋風

探禹穴行軒春樹轉天台百城豺虎應無迹萬
里鯨鯢去不廻獨憶五雲方旰食更裁封事上
蘭臺

送張子服遊楚中應王學憲之聘

張郎辭我游荊州十月廻風溯上流日落漢江
橫北塞天晴衡獄隱南樓青茅舊俗周官重組
練新師楚將愁世亂詞人易蕭瑟生平無計更
依劉

其二

武昌城北枕江臯黃鶴磯頭楊柳高幕客向憐

蠻府賤曲中誰識郢人勞京臺風敞齊紝素雲
夢天寒秦復陶莫問峴山揮淚處湘絃愁絕爲

君操

子服尊人宦沒楚
中時服未除也

贈淮陽兵憲鄭潛菴年伯

廣陵城堞聳嵯峨獵火旌旗夜渡河高壘獨懸
星劍動澄江無恙錦帆過三年鼓角登樓暮十
里烟花饗士多爲下璽書淮海郡禁中先已奏

銚歌

其二

鼙鼓椎牛海上脊清秋落日水犀軍盜從文紀
車前散險自元龍築後分塞北風烟時借箸淮
南賓客盡如雲可敎萬騎趨陵闕諸將甘泉

未策勲

時有虜警

贈洪洞韓水部還朝時值虜寇薊門

晚歲征鴻過上林仙郎四壯日駿驥詩成水部
高何遜氣蓋關中有季心祖帳江梅驛使遠楊
旌朔雪戍樓深五陵劍客知無數此去雲霄慰

好音

戊寅除夕

朔吹寒花載酒過流澌
一夜滿江湖音書斷後
憑烽火歲月驚心長薜蘿五餌事虛龍帳入四
愁歌遍雁門多請纓無計悲華髮徒作詞人奈
爾何

其二

愁聽鼓角路漫漫
杯酒盈樽未忍乾
楊子驛前

頻問訊滹沱河上寄加餐

時虜警日急予每遣使從江上幕府問信

而予友楊伯祥方罷花竟獨滄江穩甲仗遙憐
參盧司馬軍事

太白寒虛擬明春遊五嶽那堪此夜憶長安

己卯元日

王正雲物遍神州江外春風攬勝游貧擬揚雄
能大度年如潘岳自多愁五陵佳氣終無改三
輔兵聲迥未收此日金華應上壽至尊親爲

掃旄頭

寄楊伯祥

堠火清笳夜月明漢家誰爲請長纓侍臣親下

承華殿大將分屯細柳營
御札頻煩中貴馬
龍韜悉護羽林兵知君綵筆千雲氣
鎸吹春風滿百城

勒卣從中州歸納董姬金陵人也作詩調之

周郎新度洛陽街歸路春風白鼻騮每顧小喬
留一曲還聞阿杜餉雙釵周盤龍事也城東桃李常
相對董嬌燒事山上蘼蕪且放懷十四樓中明月盡
最憐生長在秦淮

送張鯢淵侍御巡閩還朝

節使南歸駕玉驄都亭遙憶薊門東澄清海甸
千家雨驅掃樓船萬里風關嶠霜威霄漢上河
橋春色鼓鼙中知君向有吞胡策幾度傳宣謁

桂宮

奉酬越太夫卓凡見贈之作

曾題名姓夜郎城又向漁陽立漢旌去病無家
原爲國信陵有客盡知兵十年起舞中宵暗萬
里橫行絕塞輕共嘆乾坤方黯澹因君卮酒結

生平

酬曹封丘惕威

夷門傲吏楚江濱
紅錦相投及暮春
草檄我慚吳部曲
論詩君鬼魏詞人
鼓鼙萬里愁搖落
風雅千秋寄隱淪
莫問新篇最離怨
七哀歌罷轉傷神

贈胄嵩少僉憲時冒薦邊才而長嗣襄爲

索五十壽詩

淮海風流常晏如
春風列戟盛簪裾
審才舊守

周官典賜履曾開魯殿書

周以吏部郎向日乘備兵充州

槎隨博望何妨推轂問居胥丈夫五十佩金印

明月清樽羽蓋初

寄獻海道王兵憲

春卿舊禮盛文章橫海新軍擁大荒島戍風烟
連日本樓船曙色轉扶桑潮開昌國蛟龍喜花
滿明山棨戟光更值珠崖方議郡漢家遠略事

蒼茫

時有議開金堂山者

送徐九一太史還朝

紫氣青雲望直盧中原秋色錦帆舒依然朗月
仙人掌爲副名山太史書故國十年多戰伐舊
遊三省盛簪裾共誇連夜廻前席自此常應奉
屬車

其二

偉長中論重詞林芳草鳴珂朔氣深宮裏賜衣
傳夜月苑中開帙散秋陰天心久已思安攘吾
道奚堪任陸沉莫以金門能避世蒼生何日見
爲霖

寄問陳彥升太史時尊公大中丞以邊事

不獄

西宮玉樹隱葱蘢
弭筆從容待晚鐘
誰使薦門纏大角
遂令梁獄滯雙龍
徇屠市上多相識
漁父蘆中未易逢
幸有舊恩通訟疏
應憐短褐倍蒙茸

蒙茸

其二

漁陽節鎮復南冠
塞月邊雲萬里寒
異日功名誰魏尚
此時賓客愧任安
貴臣意重終難失

聖主恩深強自寬公子不須頻叩闕會當飛檄

取三韓

贈淮揚袁臨候憲使

揚部旌門望斗邊○吳關千里靜烽烟○牙璋落日
搖淮甸○玉帳秋風散楚天○海霧漫漫鳴畫角○江
流歷歷下戈船○應知上客多詞賦○遙寄相思叢

桂篇

送楊龍友之青田令

括蒼松檜遠盤○天晝鷁輕帆暮雪前倣吏青雲

連桂樹美人唧唧在芝田雙溪地煥耕耘千
嶂官閒射獵偏憇十年中夜舞風烟廻首各
茫然

己卯除夕

年華漸與壯心違翠柏紅椒又滿扉歲月有情
多惜別江湖無地可忘機寒梅放葉常相媚旅
鴈驚雲好共飛惟奉版輿將進酒春風玉管送
斜暉

庚辰元日

賜谷瞳曨啓萬家。兒童相率鬪鉛華。樽中巴酌
春前酒。江上還舒臘底花。袞漢旌旗高虎帳。幽
燕日月靜龍沙。占風共識階平便。野老先耕五
色瓜。

送張玉笥中丞擢河道少司空隨召陞
見

舊京開府靜牙璋。詔領河堤人未央。周室保釐
分郊廟。漢家底續念宣房。九天星宿穿秦塞。萬
里梯航走冀方。會語至尊南顧目不堪重問。

海陵倉

其二

帝奠天河九曲滿司空特節薦門行不沈白馬
祠川后自負黃龍斧聖明葱鬢雪消春濺淺
蓮峰月落夜濤平論功應便分如帶禹迹茫茫
萬古仰

送曾憲長霖寰年伯

漢庭高議漫悠悠楚客遙思賦遠遊季布一言
何易罷樂羊兩篋有誰收時清自棄連城璧遇

險終須萬斛舟莫倚珊瑚釣滄海還應回首鳳

皇樓

壽梁溪封太史馬公

扶風今日見耆英六代崇儒舊有聲欵段少游
達大志絳紗子幹是諸生曾收孔壁遺經在新
錫龍門世史名更喜家山通玉乳金莖一勺停

寬旌

登岱

懸崖絕壁問真源珠館瓊臺祀上元霞散蓬萊

搖日觀風連闕闈天門練光欲接銀河影金
液常寒玉女益七十二君皆寂寞不知何處拜
軒轅

其二

千盤直上氣漫漫凌兢高涼振羽翰碧海未廻
秦帝使自雲更起武皇壇星辰夜逼金泥動風
雨朝驚玉輦寒司馬莫誇工作頌漢家無事整
和鸞

湘真閣稿卷之六

華亭陳子龍懋中著

七言律詩

8 揚州

淮海名都極望遙江天隱見隔南朝青山半映
瓜洲樹芳草斜連楊子橋隋苑樓臺迷曉霧吳
宮花月送春渤海河盡是新栽柳依舊東風恨
未消。

壽蘇松宋兵憲

三吳憲府得名賢籍甚家聲海岱前鳳閣舊傳
雄綵筆虎符重起護樓船帳中甲士魚麗陣幕
下諸生桂樹篇坐酌紫微須上佐閒風玉女自
嬋娟

高郵州

孤城日落佇中流大澤雲生動戍樓國繞芙蓉
平萬堞水分桐栢浸三洲秦臺地迴魚龍靜楚
樹天低鶴鶴愁欲採明珠何處是驚濤無限海

西頭

河間

滹沱河上又徵兵
粉堞牙旗擁漢京
帝子樓臺通北極
仙人宮闕近東瀛
寒烽百道雲中出
古木千重海岸平
胡馬一來沙月暗
幾回清角動邊聲

送吳來之膳部請告還江東

南宮槐柳政鳴鑾
東海蒹葭憶掛冠
漢署爲郎稱意少
楚江作客獨醒難
比隣共拾金光草
同舍相思玉露盤
莫羨清時能卧病
茂陵原自近

長安

贈文啓美中食

紫氣黃雲抱漢關
金門詞客共追攀
鸞坡世掌圖書府
雞樹新聯供奉班
自是枚臯來苑苑
非因楊意識龍顏
知君諷諫多忠愛
西殿徘徊夜未還

飲集水闕

星河仙液泛金卮
漢鑿昆明備水嬉
樓閣斜連玄武闕
波濤常繞鳳凰池
當風羅綺珠簾迥向

晚芙蓉玉露垂忽憶相如賦中語還看落日隱

西陂

重遊萬都尉園亭

鳳凰樓上接離宮貴主亭臺霄漢中烟散錦屏
陰洞曉雨殘花塢綺筵空朱門斜帶金溝影畫
閣微交玉樹風漫擬輕裝隨俠少平陽羽騎五

陵東

往城西訪史道隣中丞不值

閑在夕月壇側

城西時裏白雲飛開府園林對落暉荆楚奇材

多舊部江淮保障藉餘威傳書黃石嘗晨出較獵藍田每夜歸匹馬從公不相遇異時旌蓋托光輝

贈方密之進士

故人射策未央宮何事蕭條燕市東四海交遊誰是石五侯賓客盡如風孤臣莫上緹縈疏聖主終明魏尚功指日湛恩還棨戟期君再世有形弓

送吳魯岡比部恤刑廣東

羊城海外古要荒斗野星移憲府郎詔到日南
頒漢法使從天上恤蠻方瘴銷銅柱先春煖月
朗朱崖金夜光借問陸生能服粵何如祝綱報
明王

五日賜棕擬應制

五日傳宣勅御厨鳳樓張幄奏笙竽白春鈎旨
月中采青裏見明苑裡孤風動石榴飄玉鑑香
凝昌歎冷冰壺加餐深媿糜天餌多黍還期賜

大酺

賜扇擬應制

漸臺涼室接西清象轂金鑕下玉京貢自錦官
城內出賜來明月手中生趨朝障霧飛花重退
食當風拂袖輕聳道南薰終歲有無分寒暑佐
昇平

都下雜感

帝里交遊十載餘薊門景色定何如眼中不見
悲歌士懷裏空懸痛哭書阿世久知長孺拙微
官敢道曼容疎莫將襟抱傾人意放論高談憶

故廬

其二

榆關山險通烽火巫峽雲深亂鼓鼙不見雄風
生楚甸忍看明月照遼西涓人苑裏牙旗動緹
騎城邊玉勒齊携酒欲尋行樂地登高客思轉
淒迷

其三

趙徵燕山不可分鄉關極目思紛紛愁中紫塞
三更角夢去滄江萬里雲東觀有書誰彊記西

園無侶憶離群歸來作客輕詞賦莫薦相如善

屬文

其四

謂漳浦地

側身南望涕縱橫海上浮雲掩碧城折檻終能
寬直節杜門猶是坐高名鶴鳴啼瘴炎天遠鴻
鴈飛沙北地情明主憐才原不薄無煩九辯
慰生平

遊天壇外垣

南郊闔闔肅高清策馬繚垣騁望情玉盤參差

宮樹隱金莖縹渺峙雲平中星五夜廻龍馭麗
日千門對鳳城知有吾皇隆祀典祠官松下
學吹笙

喜袁臨侯開府那陽却寄

開府旌旃鎮郎襄論功何似杜當陽檄書倚馬
銷金甲賓從投壺佐玉觴玄嶽本朝藏簡牒漢
江天上借輝光西南十載無真氣自此嘗應靖
虎狼

贈周其章黃門

明光發策帝臨軒自拔周堪漢署尊入殿正當
玄武仗瞻星嘗近紫微垣捧書月色侵青瑣起
草松風對掖門從古夕郎清切地每朝獻納奉
君恩

晚萊陽宋五河使君

十年玉札寄丹丘京洛從容此唱酬書報燕關
雲黯黯香迷聚窟水悠悠家留禪草投明主
夢裏修文憶舊遊愁聽田橫山外笛招魂獨夜
海風秋

8 宮燕

紫官三月翠樓開。雙燕翻飛去復回。
掠水每穿清暑殿。舞衣偏遶避風臺。
龍池雨後披簾見。鳳輦香過拂蓋來。
歲歲巢君金屋裏。托身還在栢梁材。

8 宮柳

楊柳青青落御溝。苑牆寂寂曉鶯流。
輕黃萬樹平金掌。晴綠千門上玉鉤。
暖帶雨暗龍樓六宮隨處花如雪。但到昭陽不

愁

德勝橋

碧海銀河一線流星橋玉柱駕中洲菰蒲色映
西山暮楊柳風分上苑秋跨渭曾聞馳御馬
津今擬渡牽牛莫誇勝地連靈囿儉德無心物
外遊

8 宋廷尉九青先生極稱舒章詩又謬賞鄙
作賦此以慰舒章

詞壇久已托光輝大雅於今正式微慚我亦爲

亦筆吏憐君長著夷荷衣。不逢季札誰能采。自有鍾期莫嘆稀。寄語幽人空谷裏。好將白雪事金徽。

寄懷徐闇公

對客嘗稱徐孺子。共驚猶是魯諸生。飄零顧子同。王粲狂簡何人薦。禡衡啓事漸輕三府辟。宦遊每借五侯成。唯應梅尉辭官後。與俱同高吳。

市名

送包長明年丈出牧羅定

河朔三春並轡旋日南萬里剖符偏職方新啓
諸羅境牧伯今來大國賢北界泉爲吳隱變東
方經自長卿傳莫愁聖主忘蠻郡看爾徵書
嶺外懸

寄贈曹州劉大將軍

將軍夙挽繡蝥弧家本安東俠者徒結客能傾
四公子論兵欲繫五單于門前獵騎金腰裹帳
下材官玉輶轎此日君王方拊髀可無鳴劒向

伊吾

初出都門

瀟橘花下送驪歌官柳溪陰夾道過去路風烟
鄉思切○望中雲日客愁多○西山翠靄凝金闕南
內青槐蔭玉河從此通宵瞻北極幾回清夢到
鳴珂

過高唐有郭生者云聳余至候數日矣遂
以酒饌相餉

齊右荒城月復清勞歌四起旅魂驚主人虛左
端冠佩客子停車問姓名亂後盤飧難得味愁

來孟草易爲情獨憐明發風塵路橫斗殘星班
馬鳴

金中見西南徼外諸夷貢使而作

征西躍馬下西川戊巳重開礦外天銅鼓盡庭
邛笮長玉門遠種月氏即百年貢賛從王會萬
里馳傳到日邊使者無煩金馬頌漢家自有自

狼篇

會通河

帝宅崔巍枕薊丘奔渠中劃大荒浮汎從漳衛

東西令源出萊蕪南北流千里舳艤趨甸服萬
方筐籠灌神州平江帶礪功如舊少府金錢第

一籌

其二

少陽蒼翠總青齊百道飛泉盡向西岱嶽雲興
燔玉璧黃河水溢護金堤渠穿地底龍嘗貌帆
掛天中烏夜啼萬古轉輸終不改更煩滄海問
鯨鯢時有海運之議

舟中七夕作

璇室深寒雲錦高奔龍杳冥擁旌旄可知雕鵠
非精衛莫遣黃姑似伯勞碧海有光流汎瀝銀
河無影落風濤最憐永夜臨秋水不見明珠弄

漢皋

贈揚州守馮玄度

三年西省一麾輕淮海春雲五馬情安石風流
嘗作牧元龍意氣此專城廣陵濤合熊轡過甓
社珠還鷁首明借問清時謗領郡何人不讓大

馮名

五言絕句

藤縣道中

落日覆平沙，垂楊夾道斜。
幾回躍馬地，前度不思家。

途中

策馬望鄉關，浮雲去不還。
明朝風雨前，地又隔幾重。

山

其二

屈指淮上書，故人應已覩。
那知百種愁，都在緘。

書後

放生詩魚鳥各得一絕

何與投竿事千秋耻渭川還將江海意浩蕩甲
兵年

其二

本厭樊籠性春風試羽翎應知斥鶩樂無異徙

南溟

七言絕句

雲中邊詞

燕然山上拂雲堆北望胡天大漠開晴裏角聲

吹落日單于千帳一時回

其二

黃河三月未東風白草連山野火紅虜馬莫移
青海帳漢家飛將在雲中

其三

隆慶年中將相勞穆皇宮苑有葡萄胡兒不
惜青驪馬漢使惟頑紅錦袍

其四

卜酉西保賀蘭山女直東連未肯還寄語五原
諸將帥秋風莫閉鴈門關

其五

大同女兒顏如花十五學得箏琵琶莫向中宵
彈一曲清霜明月盡思家

上谷邊詞

塞雲千里帶皇畿不盡連山鎖翠微詔發金
錢營獨石可知烽火夜來希

其二

文皇三度出閼平
黑纛黃旗繞御營
已表陰山爲漢壘
莫令北斗近邊城

其三

期門小隊出回中
帥府旌旗動地紅
武帝神遊應汗漫
黃榆夜夜起秋風

其四

險到居庸地脉分
何須常戍羽林軍
關門夜抱千峰月
陵墓春生五色雲

寧前邊詞

榆塞關邊榆樹林
錦州城外錦川深
千帆北轉
放倉粟萬騎東馳
少府金

其二

八城亦是古遼西
大纛高牙萬馬齊
壯士錦衣行
樂地十年無夢到春闌

其三

將軍醉舞古輪臺
十隊紅妝次第開
若憶遼陽舊風月
綺羅如霧錦成堆

其四

昨夜寧前大點兵
金璫鐵騎萬人行
黃封勅使追驕虜
旗號遙分忠勇營

歲暮懷舒章

北風動地滿燕關
天外孤鴻去未還
匹馬桑乾河上夜
一輪明月萬重山

其二

悲歌一曲棄繻生
灔灔龍文匣裏明
燕市樓臺三十萬
不知何處有荆卿

其三

南城榆柳鬱蒼蒼繞樹啼鳥落日黃此地朔風
吹不盡因君短褐更飛霜

其四

壯士辭宗意若何風塵無計更婆娑知君舊有
平胡策漢署於今待詔多

其五

北地胡姬錦作茵江南才子玉嶙峋樽前白苧
思無限眼底黃金愁殺人

其六

郢中高唱本蒼涼子去風流欲斷腸惟有多情

憐宋玉紫簫一夜滿

三湘

舒章行後子與轍文
小有酬和

其七

故人高卧白雲廬海內交遊盡索居不得與君
同嘆息樅陽昨日數行書

時得密之書

其八

十年比翼共徘徊薄暮橫雲萬里開昨歲予遊

剡子國

去冬盡予在剡城

今春君上郭槐臺

上元送內弟張子服遊邵陵

清真集卷之二
十一
輕帆春色洞庭遲
西上楊花滿路吹
莫對啼猿便相憶
雨中微月送君時

其二

傾盡金罍闊渚宮
江城燈火碧雲中
何堪繡被焚香夜
面面衡湘帶曉風

其三

蕭條兵氣沅江濱
君到桃源及暮春
我亦玄都舊賓客
煩將名姓問秦人

其四

春雨瀟湘夜色開江風吹雁度章臺知君淨掃
雲根石寫盡相思在碧苔

8 寒食雨

繡野春樓動地紅美人遙夜玉鈴風凭欄盡日
常無語相對殘花細雨中

寄宣城令余賡之

江上明霞疊翠封宛溪如玉浸芙蓉使君暇日
清樽動相對陵陽第幾峰

其二

宣州春色帶南畿爲政風流花滿扉更得錦箋
多麗句青山還屬謝玄暉

賀尚木生子

畫閣微涼繡褓紅一枝玉樹動春風知君勉就
封侯業已有傳經韋少翁

其二

鳴珂舊里玉泠泠灑洒臨風花滿庭猶問苟家
衆賓客可知文若是何星

予讀書池上屢有金帝芙蓉戲題二絕

宛轉橋頭金蒂花秋波不到莫愁家浣紗人去
紅粧盡惟有鴛鴦在若耶

贈章汎陽

地連湯沐本皇州雲夢蒼茫萬里秋千騎上頭
桑柘裏專城江漢古諸侯

其二

遼郭洪波設險成秦關楚塞莫橫行少年州將
蓮花鏃古戍秋高邦月城

送偉南遊匡廬

落木孤帆秋色中橫江西訪大明公博山爐頂
騎鸞女怪爾新乘萬里風

其二

長江九派坼荆揚秀出芙蓉倚大荒君聽東林
鐘磬夜清霜明月滿潯陽

3 春遊曲

夾道垂楊隱絳紗吳姬勸酒白日斜勸君努力
醉花下明日還來看落花

其二

十五女兒上春隄。桃花李花相對齊。東風漠漠爲誰起。弱柳千條盡向西。

歸雁

一片征鴻背日飛。江南洲渚迷將歸。春風萬里無消息。二月陰山雪滿衣。

邵伯驛

迢遞新城甲仗樓。胡床獨坐望神州。當年一曲東山妓。明月清淮萬古愁。

渡易水

并刀昨夜匣中鳴。燕趙悲歌最不平。易水潺湲
雲草碧。可憐無處送荆卿。

登鄖州廢城

鄖縣荒城烽火樓。平湖迢遞帶幽州。太行東去
連滄海。一抹蒼烟萬里愁。

鄖州堤上

菖蒲花發柳絲絲。自鳴青鳥亂碧潭。無限客愁
消不得。爭如夢裏憶江南。

雄縣

茫茫易水古雄州
畫角清笳滿戍樓
咫尺薊門雲五色
莫將明月動邊愁

宿桑乾

小黃河上客衣單
楊子津頭別淚殘
夢裏莫隨江水去
春潮原不到桑乾